



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Thomæ Tamburini Societatis Iesu Siculi
Caltanisettensis, In Alma Vniversitate nobilis Civitatis
Messanæ, Theologiæ Primarij Professoris. Explicatio
Decalogi Duabus distincta partibus**

In qua omnes ferè conscientiæ casus, ad decem Præcepta pertinentes,
mira brevitæte, claritate, & quantum licet, benignitate declarantur

Continens sex Libros posteriores in Decalogum, id est, expositionem
præceptorum secundæ tabulæ

Tamburini, Tommaso

Monachii, Anno M.DC.LIX.

Additio, paragraph. 2.

urn:nbn:de:hbz:466:1-39995

In De lugo disp. 16. de pen. sec. 6. nu. 337.

7. Quoad secundum, id est, quoad sodomiam, quarimus, an si quis sodomiticè cognosceret consanguineum, vel consanguineam, vel affinem, vel conjunctum conjunctione legali, vel spirituali, debeat explicare conjunctionem, ita ut non satis sit dicere, se sodomiam commississe, sed necessario addendum, se sodomiticum incestum commississe?

Respondeo, necessario sic addendum. Ratio est, quia ob reverentiam naturalem propinquis debitam ejusmodi peccatum, ultra malitiam sodomiae, habet & malitiam incestus. Quamvis enim per hunc incestum sodomiticum non impediatur matrimonium, quia ut impediat, debet esse seminatio in vase naturali, neque per eundem incurrantur poenae contra incestum latae, quia poenae fulminantur contra incestum proprie dictum, id est, enatum ex copula naturali; tamen, quia fit contra praedictam reverentiam, non potest propriam incestus malitiam non participare.

i Fill. t. 2. tr. 30. c. 5. nu. 106.

8. Major difficultas est, utrum explicandi gradus, v. g. sic: commisi incestum sodomiticum cum fratre, cum consobрино; an satis sit dicere, commisi incestum sodomiticum? Respondeo, in nostra sententia probabiliter non esse necessario explicandos. Ratio est, quia omnes sunt ejusdem speciei, & solum secundum magis & minus in eadem specie differunt, id quod, ut diximus num. 2. notat quidem major

rem minoremve gravitatem, sed nequaquam specie distinctum peccatum.

§. II.

Additio.

Duo tantummodo hic advertenda mihi reliqua video. Alterum est, qui conjux rem habet cum consanguinea suae uxoris viventis (non vero *b* affini) in primo & secundo gradu, & quae conjux habet rem cum consanguineo mariti viventis (nec vero affini) in eodem primo vel secundo gradu, peccat sine dubio peccato incestus, sed insuper propter hunc peculiarem incestum commissum, cum consanguineis sui conjugis (non autem, si commissum *c* fuerit cum consanguineis suis) dictus conjux, vel dicta conjux incurrat in duas poenas, semper intelligendo, *d* quando semen incidit intra vas: nam sic fiunt una caro, qua ratione oritur affinitas.

a Sanc. li. 7. de matrim. disp. 15. nu. 2. & li. 9. disp. 27. nu. 14. b Idem ib. disp. 27. nu. 4. c Idem d. d. 15. nu. 16. d Idem d. d. 89. n. 1.

Prima poena est, ut, etiam ante omnem *e* sententiam, sub mortali, non possit amplius petere debitum à conjugē, quia contraxit cum illo affinitatem ex copula fornicaria, quae si est ante matrimonium initum, dirimit ex Tridentino, *f* ineundum in dictis gradibus: at cum in casu nostro matrimonium jam sit initum, (& satis *g* est, si fuerit ratum, quamvis non consummatum) solum privatur conjux jure petendi. Potest *h* tamen reddere, in gratiam

gratiam alterius conjugis innocentis, immo & eidem significare, ne expectet suam petitionem, non tamen potest provocare, ut petat. Innocentis, inquam; nam si alter consensit ad eum incestum, vel uterque similem incestum commisit, uterque i amittit jus: quare neuter poterit petere, vel reddere. An possit etiam petere, quando videt, sibi imminere periculum incontinentiæ, concedit Quintanadvennas, l saltem quando commodè dispensationem petere nequit, & periculum est in mora; sed puto, non esse concedendum, m quia sunt alia remedia vincendi tentationem.

e Idem lib. 9. dis. 30. n. 2. cujus ratione dicit senescire, sed solum ex consuetud. f Trid. sess. 24. de mat. c. 4. g Sanch. li. 7. matr. d. 15. nn. 6. h Sanch. li. 9. matr. d. 6. num. 12. quidquid dicat Texeda apud Dianam p. 9. t. 8. ref. 32. i Sanch. li. 9. matr. d. 31. in 2. & d. 27. n. 3. juncta d. 28. n. 2. & 5. l Quintan. tr. 9. singul. 12. m cum commun. sententia, quæ sequitur Diana p. 9. tr. 8. ref. 34.

3. Dispensat autem huic poenæ Episcopus, n Commissarius o Cruciatæ, Privilegiati p Regulares, de qua re in tractatu de matrimonio: Illud cum Castropalao q doceo, satis esse probabile & tutum, non incurri hanc poenam ab eo conjugē, qui nescivit, ejusmodi accessum ad consanguineam sui conjugis esse specialiter ab Ecclesia prohibitum, vel quamvis id sciverit, igno ab t esse huic incestui annexam prohibitionem petendi debitum. Ratio brevis est, quia hæc est poena ex

delicto, quam incurri ab eo, qui inculpabiliter eam ignorat, æquum non est.

n Sanch. li. 8. matr. d. 12. n. 10. & 11. o lb. n. 16. p lb. dis. 16. q Castr. t. 1. tr. 2. disp. 1. de legib. p. 17. n. praesertim 8.

4. Alteram. Huic conjugī incestuoso non licebat per Canones, mortuo altero conjugē, cum ulla alia, seu ullo alio amplius matrimonium contrahere sine dispensatione, idque in poenam sui delicti. Sed certè id non est in r usu? quare sine scrupulo poterit nunc ad secundas nuptias sine dispensatione transire.

r Ex Nav. Sanch. li. 7. matr. d. 17. num. 8.

CAPVT QVINTVM.

§. I.

De stupro.

I N Methodo a sic habes. Stuprum est concubitus viri cum virgine fæmina, eadem repugnante: quare ea consentiente ex probabilissima sententia, est simplex fornicatio. Vnde sequitur, statum virginitatis nõ necesse esse, in confessione explicare, virgine consentiente, quem illa repugnante explicare oportebit.

a In Meth. Conf. li. 2. c. 7. §. 8.

2 Pari ratione, sodomitica copula cum eadem consentiente est mera sodomia: unde nec ibi status virginitatis est declarandus.

3. Cum & virgo polluit, vel deletur